

Prentsan jasotakoa

Kazetari ezagunek 2007an landuenak izan diren gaien *top ten* zerrenda osatu dute

- Hazi transgenikoak - Mixel Garikoitz.
- Araba, Bizkai eta Gipzkoako kutxen bateratzea - Ivan Santamaria.
- Nafarroako lurralde antolamendu eredua - Juan Angel Monreal.
- Sozietateen gaineko zerga - Alazne Basañez.
- Iparraldeko egitura ekonomiko eta sozialak - Aitor Renteria.
- Lan istripuak - Begoña Martin.
- Arrantza: antxoa eta hegalaburraren kostera - Aitziber Arzallus.
- Euriborra eta interes tasen igoera - Xabier Aja.
- Abiadura Handiko Trena - Carlos Etxeberri.
- Volkswagen-Navarra lan hitzarmena - Juan Angel Monreal.

Arto transgenikoa gure lurretan sustraitua

Hazi transgenikoen aurkako ekintzak ugaritu dira Euskal Herri osoan. Afera honek Iparraldean izan du oihartzun handiena: 500 hektarea inguru arto transgeniko landatu dira bertan 2007 urtean. Hegoaldean, berriz, hauen landatzea ekidin nahi da, baina debekua ezartzeko eskuduntzak Madridko Gobernuarena izaten jarraitzen du.

- Otsaila. Eusko Jauralaritzak Araba, Bizkai eta Gipuzkoakoa lurrik transgenikorik gabeko lur eremu izendatu zituen eskuduntzarik ez izan arren.

- Otsaila. ELB sindikatuek, Iparraldean Paueko Laborantza Ganberak arto transgeniko *indarrez* sartu nahi zuela salatu zuten.

- Martxoa. Frantziako gobernuko Nekazaritza Sailak Transgenikoen kulturako erregistro nazionala sortu zuen. Datua: Iparraldean 500 hektarea arto transgeniko landatu ziren (Aturrialdean, Amikuzen eta Hazparnen).



- Martxoa. Arto transgenikoa Iparraldean saltzen hasiko zela berritsi zuen Lur Berri kooperatibak (Aiziritze -Nafarroa Beherea-), Iparraldeko arto hazi saltzaile nagusia.

- Apirila. Ekologistak Martxan-en arabera, Nafarroa Garaian landatzen den artoaren %10 eta %20 arteen transgenikoa da.

- Apirila. Mobilizazioak Lur Berri kooperatibaren egoitzan, 120 lagun inguru.

- Ekaina. Europako Batasunak produktu ekologikoak landatzen diren eremuetan transgenikoak %0,9 izatea baimentzen duen legea onartu zuen.

- Urria. Arto transgenikoa arto biologikoa xehatzen duela frogatu zuen Bio-Aquitaine elkarteak Saint

Dosen (Frantzia).

- Urria. Arto transgenikoa saltzea debekatzeko nahia azaldu zuen Sarkozyk, urtarrilean legea egingo zuela zioen.

Michel Garikoitz

HEDA PRESSE

Berri agentziako Erredakzio Burua

Iparraldean, JAO-ei buruzko ekintzak ugariago izan dira 2007an. Ohargarri izan da, apirilaren 14etik 17ra, Donapaleko Lur Berri Kooperatibaren egoitzan militanteek egin duten okupazioa. Salatzen zuten arto JAOz ereinak izan diren zenbait hamarkada hektarea, bereziki Bidaxuneko kantonamenduan (Baiona ondolan). Bestalde, herri sartzeetan Udalek ezarritik seinale hauek agertzen hasiak dira «*Dans cette commune...*» «*Herri huntan, JA-Orik ez da!*».

OGM/JAO: Jitez Aldatu Organismoak.

Gatazka politikoaren eragina EAEko aurrezki kutxen bateratze prozesuan

Araba, Bizkai eta Gipuzkoako aurrezki kutxen fusioak sindikatu eta euskal enpresariaren babesa du, baina desadostasuna afera politikoan datza. Fusioak, BBK, Kutxa eta Vitalkutxa Espainiako Estatuko hirugarren entitate nagusia bihurtuko luke irabazien ranking-ean egungo merkatuan lehiakorrago bihurtuz.

- Otsaila. PPK eta PSEk ez zuten babestu Araba, Bizkai eta Gipuzkoako aurrezki kutxen integrazioa. EAJren aburuz, integrazioa egingo zen, hauteskundeak igarota.

- Otsaila. Vitalkutxan integrazioaren kontra plataforma bat sortu zen. Vitalkutxako presidente Gregorio Rojo Arabako Enpresariaren Sindikatutik (SEA) kargugabetu zuten.

- Iraila. Xabier Agirre (EAJ) Arabako ahaldu nagusi aukeratu zuten, PSEren botoekin. PPren aburuz, Vitalkutxaren desagerpena hurbil zegoen eta mobilizazioak iragarri zituzten.

- Urria. Juan Jose Ibarretxek 2008ko urriaren 25ean iragarritako herri galdeketa proposame-

nak kutxen fusioaren gaiari eustea eragozten zuela esan zuen PSE-k.

- Urria. Confebask-ek, Euskal Enpresariaren Konfederakuntzak, bere babesa eman zion proiektuari; fusioak, kutxa bakarrari, balizko inbertsio nahiz kreditu ahalmena areagotuko lizkiokelako.

- Urria. Xabier Irala (BBK), Carlos Etxepare (Kutxa) eta Gregorio Rojok (Vitalkutxa) aho batez zioten ziurgabetasunik gabeko agertoki politiko bizi zuela Euskal Herriak baina, bateratzea premiazkoa izateaz gain, enpresa ekintza bat zela zioten eta ekonomia nahiz gizarte balio sortzaile.

- Urria: Espainiako Lehia Batzordeak 24 milioi euroko isuna ezarri zien BBK, CAN, Kutxa, eta Vitalkutxari, euren arteko norgehiagoka ezabatze-ko tratua egiteagatik. Bulegoak beste herrialdeetan paratu ez izana justifikatzeko bateratze prozesuaren zain zeudela argudiatu zuten BBK-k eta Kutxak.



Ivan Santamaria
BERRIAko kazetaria

Beste urte bat alferrik galdu ondotik, kutxak bateratzeko ideiak abiadura har dezake, erakunde bakoitzeko batzar orokorraren erdia berritzeko hauteskunde prozesua martxan baitago. PP eta PSEren arteko batasunaren pitzadurak beste gehiengo bat eratzeko bideragarri bihurtuko du Vitalkutxan. Haatik, bat egitearen aldekoek kutxen kontrola eskura izanik ere, bertigo politikoaren menpe geratuko da, berriro, ikuspuntu ekonomiko eta sozial batetik atzeraezina dena.



Juan Angel Monreal
DIARIO DE NOTICIAS
egunkaria, Ekonomia
saileko kazetaria

Lurralde Antolamendurako Planak 86 iradokizun eta alegazio jaso zituen, azarora bitartean. Plan horrek bost zaitan banatzen du Nafarroa Garaia. Iruñerriko industria-lurrak %50 handitzeko asmoa du eta Erdialdean zerbitzu-sektorea eta kultur ondarea bultzatzeko gomendatzen du.

Garapenerako bost eredu desberdin Nafarroa Garaia zatitu batean

Nafarroako Lurralde Estrategiak (NLE) bost eskualdetan banatzen du Nafarroa Garaia. 2009 urtera begira, Nafarroako Gobernuak lurralde antolamendu plangintza eta metodologia berria eta bakarra izan nahi ditu. 2007 urtea, aldiz, iradokizunen urtea izan da nafar guztientzat, izan eragile nahiz gizabanako.

- 2006ko azaroan Nafarroako Lurralde Estrategia (NLE) aurkeztu zuen Nafarroako Gobernuak. Eztabaidarako epea 2007ko irailean amaitu zen.

- Urtarrila (2007). Nafarroako Gobernuak Gendulainen, Iruñerrian (NLE2), 19.000 etxebizitza berri eraikitzeke proiektua aurkeztu zuen. Bertako alkate eta eragileen arabera, proiektua ez zettorren bat NLEn zehaztutakoarekin.

- Otsaila. Sakanako herrietan (NLE1) lurralde antolamendu proiektua aurkeztu zen: helburu nagusia industria bultzatzea.



- Martxoa. 85 milioi euro bideratu zituen Nafarroako Gobernuak Pirinioko (NLE3) Garapen Planerako; gakoak ondare artistiko-kulturala eta naturala bultzatzea. Bertako eragileek *Pirinioa Bizirik* lelopean biztanleriaren galtzea salatu zuten.

- Martxoa. Iruñerrian industria-rako lurzorua %50 baino gehiago ugartzea aurreikusten zuen NLEk.

- Apirila. Esako Fundazioa sortu zen Pirinioko Garapen Planaren baitan.

- Iraila. NLEren eztabaidarako epea luzatu zen: Urriak 30 arte.

- Iraila. Iruñerriko merkatariek NLEko txostenean komertzioa sustatzeko planak jaso behar zirela aldarrikatu zuten.

- Urria. Nafarroako oposizio politikoak NLEean errebisioa beharrezkoa dela dio lurraldeen arteko oreka zaintzen ez delako.

- Azarora. Aurreproiektuak 86 iradokizun jaso zituen. Iradokizunen gaineko behin betiko txostena 2008 hasieran aurkeztuko da. 2009 urte bitartean, NLEek proiektu fasea garatuko dute.

Fiskalitateak Araba, Bizkai eta Gipuzkoa aurrez aurre ipini ditu

Brusela nahiz Espainiako autonomia erkidegoen desadostasunarekin, Araba, Bizkai eta Gipuzkoak sozietateen gaineko tasa baxuagoa izango dute. Gipuzkoako tasa finkatzeak sortu ditu buruhausteak. Dekretuz, Gipuzkoan, %28ko tasa ezarri da beste bi herrialdeetan bezala, baina erabakia mantentzea Gipuzkoako Batzar Nagusiari dagokio.

- Otsaila. Araba, Bizkai eta Gipuzkoako diputazioek Eusko Jaurlaritzarekin sozietateen gaineko zerga berria ezartzea adostu zuen (%28ko tasa). Nafarroa Garaian %30 izango da 2008 urtean.

- Martxoa. EAJk ezin izan zuen akordiorik lortu Gipuzkoako diputazioan. EAK eta PSEk %30eko tasa defendatu zuten.

- Martxoa. Araba eta Bizkaiako diputazioek onartu egin zuten %28ko tasa, EAJ eta PPren botoekin.

- Martxoa. ELAk salatu zuen Araba, Bizkai eta

Gipuzkoako enpresaburuek ordaintzen zuten sozietate zergaren tipoa %18 ingurukoa zela.

- Ekaina. Europako Auzitegiak opor fiskalen auzitan Espainiako Gobernuak zigortu zuen.

- Uztaila. EAEn, 300 enpresa inguruk lortu zituzten inbertsioak sustatzeko abantailak 1995-1999. urte bitartean (onura 2.000 milioi euro).

- Abuztua. Gipuzkoako ahal-dun nagusi Markel Olanok Gipuzkoan ezarriko zen tasa %28 izango zela berretsi zuen.

- Iraila. EAJk eta EAK batasun fiskala apurtu zuten lehen aldiz EAEn, eta %30eko tasa hitzartu zuten. Adegigogor kritikatu zuen erabakia.

- Urria. EAJk EArekin hitzartutako akordioa apurtu zuen Gipuzkoan. EAJk %28 tasa berretsi zuen.

- Abendua. Dekretu bidez, Gipuzkoako Diputatuen Kontseiluak, Gipuzkoako sozietateen gaineko zerga %28an finkatu zuen. Dekretua Batzar Nagusiak onartu beharko luke 30 eguneko epean.



Alazne Basañez
GARA egunkariako
Ekonomia Saileko Burua

2007ko urtearen azken egunean sozietateen gaineko zerga dekretuz onartzeko Gipuzkoan eginiko ez ohiko diputatu kontseiluak fiskalitatearen inguruan Euskal Herrian nagusi den politikaren argazki garbia erakusten du. Irabazien gainera enpresek ordaintzen duten zerga %28an finkatzeko xedez, EAJk bere bitarteko guztiak lanean jarri ditu justua eta bantzailea ez den formula baten alde. Praktikan, gainera, portzentaje hori gehiago jaisten da. Kontua da soldatapekoek aberastasunaren banaketan duen pisua murrizten ari dela enpresa eta kapitalaren errenten mesederako.



Aitor Renteria
BERRIAko kazetaria

Iparraldea geroz eta lausoago

Instituzio publikoen gabezia handia da Iparraldean eta dauden zerbitzu publiko gutxioriek atzerrira daramatzate, Pau edo Bordelen mesedetan. Gainera, Frantziako Estatuak daukan defizita murrizteko Parisko Gobernuak hartutako neurriak ez dute batere laguntzen daudenak bertan gera daitezen.

- Ekaina. Nicolas Sarkozy presidentea zerbitzu publikoak murrizten eta berrantolatzen hasi zen Frantziako Estatuak zuen defizita gaintzitzeko.

- Ekaina. Baionan dauden justiziako zerbitzu guztiak Pauera eraman nahi zituela iragarri zuen Frantziako Gobernuak Justizia sailak. Ziurra da 2010 urte aurretik Donapaleko (Nafarroa Beherea) eta Miarritzeko (Lapurdi) auzitegiak itxiko dituztela.

- Ekaina-Uztaila. Baionako Justizia Handiarekin (IHA) lotutako abokatuek greba egin zuten ekainaren 26tik uztailearen 9 arte.

- Ekaina. Familien laguntzarako kutxa (CAF) Baionatik Pauera eraman nahi dutela iragartzen da, 2011an gauzatuko ei da berrantolatze prozesua.

- Uztaila. Baionako gizarte-segurantzako kutxa

(CAPM) desegituratzeko asmoa ere agertu zuen Parisko gobernuak. Oraindik ez da neurri zehatzik plazaratu gai honen inguruan.

- Uztaila. Enpresen zerga sozialak biltzen dituen egitura (URSSAF) Baionatik Pauera bidaliko dituztela iragartzen da.

- Iraila. Zuberotarrak enpresa zergak Oloruen (Frantzia) ordaintzen hasi ziren, Baionan izan beharrean.

- Urria. LABek hurbileko zerbitzu publikoak Euskal Herrikan kanpora ez eramateko eskaera egin zuen Donapaleko instantzia auzitegiaren aurrean.

- Urria. Baionako auzitegiko abokatuek manifestazioa egin zuten Pauen.

- Azaroa. CFDT sindikatuak URSSAFeko ardurdunekin bildu ziren Parisen. URSSAFeko egitura nagusia Baionan mantentzea eskatu zuen sindikatuak.

- Azaroa. Zerbitzu publikoa arriskuan dagoela salatze greba egin zuten funtzionarioek. 5.000 lagun inguru izan ziren Baionan egindako elkarretartzean.

Iparraldeko zerbitzu publikoak mamirik gabeko eskola bihurtuko ditu Frantziako Estatuak, kasurik baikorrenean. Hainbat sail Baionatik kendu eta Frantziara eramanez dituela jakinarazi du.

Astero, bina-bina, langileak zulora

Azken bi urtetan 115 langiletik gora galdu dute bizia Euskal Herrian. Eraikuntza sektorean hil dira nagusiki, eta gehienak atzerritarrak izan dira, azpikontratazkoak eta lan baldintza kaxkarrak direla medio. 2007 urtean, Laneko Segurtasun eta Osasun Plan bi onartu ziren Hegoaldeko administrazioetan, hauek, baina, ez zuten sindikatu guztien onepena jaso.

- Urtarrila. 129 langilek bizia galdu zuten lan istripuz 2006. urtean Euskal Herrian.

- Otsaila. Lan ingurunean izandako heriotzak %19 lanerako joan etorrietan izandako istripuetan eman ziren.

- Martxo. Nafarroako II Laneko Segurtasun eta Osasun Plana sinatzen zuten Gobernuak, patronalak eta UGT eta CCOO sindikatuek.

- Apirila. Adegiren arabera, 2006. urtean lanean izandako heriotzak sektoreka %50 gutxitu ziren Gipuzkoan. UGT-k, aldez, 2007ko lehen hiru



hilabeteetan heriotzak %50 gehitu zirela baieztatu zuen, 2006ko epealdi beretik.

- Maiatza. Sindikatu guztiak bat zetozen eraikuntza sektorean izaten diren lan istripuak enpresarien utzi-keriagatik izaten direla esatera koan.

- Maiatza. Patronala, sindikatuak eta administrazioak ez zuten Osalaren kudeaketarako plana adostu.

- Uztaila. Hiru sindikatuak garraiolarien lan baldintzen inguruan EAeko Laneko Osasun eta Segurtasun Planean (2007-2010) aipamen berezia egitea eskatzen zuten.

- Urria. Laneko Osasun eta Segurtasun Plana (2007-2010) eztabaidatu zen Gasteizko Legebiltzarrean. EAEn, urteko ikuskatzaile bakoitzak

3.200 enpresa ikuskatzetik 1.600 ikuskatzera pasatuko da.

- Abendua. LAB-en arabera, 117 langilek bizia galdu zuten lan istripuz 2007. urtean Euskal Herrian.



Begoña Martín
NOTICIAS DE ALAVA
egunkariko ekonomia
saileko erredaktorea

Lan Arriskuen Prebentzioarako Legea aplikatzea lehentasuna izan beharko luke euskal enpresentzat. Hala ere, konpainia desberdinen inbertsio faltari, bai segurtasun nahiz lan-osasunaren inguruan, Administrazioak izan dezakeen erantzukizuna batzen zaio. Lan Ikuskaritzatik, Gobernu Zentralaren menpekoa, giza baliabide gehiago eskatu izan dituzte hainbatetan. Teknikariak urriak dira eta legea bete denentz egiaztatzen berandu helden dira.



Aitziber Arzallus
BERRIAko kazetaria,
Egitura Gehigarrian

Antxoa eta hegalaburraren kanpainak aurrez aurre jarri ditu arrantzaleak



Bizkaiko Golkuan antxoa galzorian dago, halere, antxoaren harrapaketa esperimentalai baimendu zuen Europako Batzordeak, irizpide zientifikoaren kontra, Frantziako Gobernuak egindako presioari erantzunez. Hori gutxi balitz hegalaburraren kosterak arrain gutxiago utzi zituen orain 25 urteko prezioekin. Iparraldeko arrantzaleek, berriz, Bruselak agindutako kuota ia bikoitza harrapatu zuten iaz.

• Otsaila. 2006ko abenduan Europako Batasunak antxoaren harrapaketa esperimentalai baimendu zuen Bizkaiko Golkuan apirilaren 15etik maiatzaren 15 bitarte.

• Martxoa. Eusko Jaurlaritzak esan zuen Araba, Bizkai eta Gipuzkoan merkaturatuko den antxoaren jatorriaren inguruko jarraipena egingo zuela.

• Martxoa. Gipuzkoako kofradien presidente Jaime Tejedorrek zioen Frantziako Gobernuaren jarraia mehatxu bat dela Bizkaia eta Gipuzkoako arrantzaleentzat.

• Ekaina. Antxoa kopurua ez zela behar adina hazi dio Aztiren ikerketa batek. Bioman kanpainan (Espainiako gobernuak) antzeko emaitzak lortzen zizuten. 2008 urte bitarte antxoa ez harrapatzeko iradoki zuen Aztik.

• Uztaila. Europako Batzordeak urtea amaitu arte antxoaren harrapaketa debekatu zuen.

• Abuztua. Hegaluze eta hegalaburraren kanpaina hasten da.

• Abuztua. Hegalaburraren prezioa lonjan orain 25 urtekoaren parekoa izan zen.

• Abuztua. Atzerritik eta hemengoak balitz bezala merkaturatutako arrainarekin neurriak hartzeko eskatu zuten Euskal Herriko arrantzaleek.

• Abuztua. Frantziako Estatuko eta Iparraldeko arrantzaleek Bruselak ezarritako kuota gainditu zuten, 9.000 tona 5.494 arrantzatu beharrean.

• Abendua. Europako Batasuneko arrantza ministroen kontseiluak antxoa arrantzatzeko debekua 2008ko ekainerarte luzatu zuen.

Ulertezina iruditzen zait Hego Hegoaldeko arrantzaleen jarrera. Azken bi urteotan, kosta ahal kosta, zientzialarien esana defendatzen aritu izan dira, eta orain, bat-batean, haien aholkuen gainetik, itsasora iriteteko prest daude. Garbi dagoena da, Bizkaiko Golkoko antxoari errekupekatzen utzi ezean, erabat desagertuko dela.

Euriborra zerutik, zordunak eroturik

Euribor indizeen eta interes tasen igoerak ez ditu etxebizitza erosleak kikiltzen. Azken zazpi urteetako mailarik handienara iritsi zen Euriborra abenduan (%5 inguru), interes tasek ere etengabe gora egin dute 2007an, eta AEBtan higiezinaren merkaturatu krisi sakon batean sartu zen udan. Euskal Herrian krisiaz hitz egiteko, halere, oraindik goizegi dela irizten diote adituek.

• Urtarrila. Euriborra %4,064an kokatu zen. Batez besteko hipoteka 155.000 euroen bueltan ibili zen urte hasieran.

• Martxoa. Hipoteka berri behar izan zutenek batez beste 110€ gehiago ordaindu behar izan zuten hilero.

• Maiatza. EBZk %3,75en utzi zituen interes

tasak ekainean igotzekotan. 2006ko martxotik interes tasa kopurua bera izan zen.



• Ekaina: AEBtako burtsa krisi sakon batean sartu zen. Interes tasen igoerak eta merkaturaren geldialdiak zorrak handitu zituen askoren artean.

• Ekaina. Euriborrak, %4,5eko muga gainditu zuen, eta azken sei urteetako maila altuenara iritsi zen (urtebetean %30eko hazkundea).

• Abuztua. EBZk 47.665 milioi euro gehiago sartu zituen merkaturatu, hipoteken krisia eragozteko. Interes tasa %4an kokatu zuen finantza erakundeak.

• Abendua. Euriborra %5 inguruan zebilen, inoiz baino altuen. EBZ, 348.607 milioi euroko inbertsioa egin zuen eta indizea %4,6ean finkatu zuen.



Xabier Aja
DEIA egunkariako
Ekonomia Saileko burua

Espainiako Estatuan, oro har, eta Euskadin, bereziki, euroa hedatzearekin batera asko merkaturatu da diruaren prezioa azken urteotan, eta horrek izugarri handitu ditu barne-eskaria eta *adreibuaren boom-a* delakoa, emandako mailegu ugari eta merkeei esker. Mundu zoriontsu hori zapuztu egin da urteko azken hiru hilabeteetan, AEBtan arrisku-taldeein emandako hipoteka asko eta asko ordaindu gabe gelditu direla jakitean.

Egoera ikusita, bankuek mailegu gutxiago ematea eta ematen dituztenak garestitzea erabaki dute, eta ekonomiaren moteltze orokorra eragin du horrek.

Errailen gainean ingurumena zeharkatuz

Eusko Jaurlaritzaren arabera Euskal Y proiektua estrategikoa da EAEko komunikazioa eta garraio gabeziekin amaitzeko. 2007 urtean azpiegitura honen lehen harriak ipini baziren ere, AHTren aurkako ahotsak ugaritu dira Euskal Herri osoan.

- Otsaila. Eusko Jaurlaritzak zioen AHT herritarren eskaria dela, eta babes osoa zuela (Legebiltzarren %80).

- Martxoa. Frantziako Gobernuak ziurtatu zuen Frantziako abiadura handiak EAEko AHTrekin lotura izango zuela.

- Martxoa. Europako Batasunak 2013 urtea jarri zuen epe muga AHTren lanak amaitzeko.

- Apirila. 2000 pertsona inguru AHTren aurka manifestazioan Irun-Hendaian; 4000 inguru Bilbon.



- Abuztua. EHNEK lur desjabetzen inguruko arrazoibideak aurkezteko epeak zabaltzeko eskatu zuen.

- Iraila. 2006ko azaroan Urbina eta Luku arteko (Araba) AHTren lanetan kateatze-agatik 20 lagun epaitu zituzten Gasteizen.

- Urria. ETA, AHTren aurka azaldu zen eta lanak geldiarazteko mobilizaziorako deia egin zuen.

- Urria. Eusko Legebiltzarrean AHTren inguruan eztabaida. EHAK, EB eta Aralar proiektuaren aurka azaldu ziren.

- Abendua. Elorri (Bizkaia) %93,34 eta Anoeta (Gipuzkoa) %98,29 AHTren aurka herri galdeketa.

- Abendua. Abenduaren 15ean, Arrasaten, AHT Gelditu Elkartan manifestazio nazionalerako deia egin zuen (15.000 lagun).



Carlos Etxeberri

NOTICIAS DE GIPUZKOA
egunkariko Ekonomia eta
Politika Saileko Burua

Gure herriak okerreko bidea aukeratu zuen komunikazioak autobide eta errepideetan oinarritzea erabaki zuenean, eta ez Europan nagusitu zen bidea, trenbidean alegia. Horren ondorio dira gaur egungo ezintasunak: gero eta auto gehiago dauzkagu errepideetan, baina gure azpiegiturak ez dira aski trafiko guztia hartzeko.

Horrenbestez, AHTrekin gure herria trenbidearen bidez egituratzeaz gain, pertsona nahiz salgaien errepide bidezko garraioaren ordezkari aukera izan behar du tren horrek. Ez dago beste biderik.

Deslokalizazioaren mehatxupean, lan hitzarmen berria Volkswagen-Navarran

Automozioa da Nafarroa Garaiko ekonomian sektore industrialik garrantzitsua; 80 enpresa ingururekin, 11.000 langile baino gehiago biltzen dituena. Volkswagen-Navarra da enpresa horien guztien oinarri, eta haren eraginpean dihardute Nafarroa Garaiko hamaika enpresak. Bost urte gatazkatsuren ostean lan hitzarmen berria sinatu dute VW-Navarra enpresa batzordeak eta UGT eta CCOO sindikatuek. Enpresa laguntzaileen kasuan, berriz, deslokalizazioaren eta lan baldintza urrien mehatxuak dirau.

- Urtarrila. Volkswagen-Navarrako lan hitzarmen berria (seigarrena) negoziatzeko langileek (10) eta enpresak (9) euren ordezkariak aurkeztu zituzten.

- Otsaila. Langileen batzordeko buru Jesus Sanchez Brunak (UGT) dimisioa aurkeztu zuen.

- Otsaila. VW-Navarrako VI. Lan Hitzarmena negoziatzeko mahaia osatu zen.

- Martxoa. Hauteskunde sindikalak egin ziren.



UGT irabazi zituen hauteskundeak. Ordezkaritza horrela geratzen da: UGT (10 ordezkari), CCOO (8), LAB (5), CGT (3) eta CC (1).

- Apirila. VW-Navarrako margoketa-instalazioa erre egin zen. Ekoizpena ez geldiarazteko UGT, CCOO eta CC sindikatuek akordio bat lortu zuten zuzendaritzarekin.

- Maiatza. VW-Navarrako langileek VI. Lan Hitzarmenaren aurreproiektua onartu zuten (%72,84) erreferendum bidez.

- Iraila. UGT, CCOO eta CC sindikatuek VI. Lan Hitzarmena sinatu zuten, 2009 arte.

- Urria. Sysmo enpresak lanak eten zituen. Greban egon ziren urriaren 1etik azaroaren 5

arte.

- Urria. ELAK eta LABek grebara deitu zituen Nafarroa Garaiko automobilgintzako langileak, urriaren 30ean.

- Azaroa. Volkswagen-ek 284 milioiko inbertsioa egingo du Nafarroa Garaiko plantan 2008-2010 epealdian.



Juan Angel Monreal

DIARIO DE NOTICIAS
egunkaria, ekonomia
saileko kazetaria

Volkswagen-Navarrak lan-hitzarmena sinatu du 2007an, eta langile gehienak lasaitzea lortu da horrela. Landabengo fabrikak 284 milioi euroko inbertsioa jasoko du datozen urteotan, eta ekoizpena dibertsifikatzen hasiko da.